



N'wana wa Ndzen'wa

M.A. Vukeya

Brian Wambi






Khathaza a ri xirhandzwa. A a kuma hinkwaswo leswi a swi lava ku suka eka vatswari.

Khathaza a ri nhenyana a ri yexe eka vafana va tsevu.


Khathaza a nyenyela.



Siku rin'wana Khathaza a lava ku tlanga bolo na vafana.

“Swi nga endleka u vaviseka,” ku kombela Manana.

Va boti wa yena va arile ku tlanga bolo na yena. Khathaza a sungula ku rila.



Endzhaku ka nkarhi Khathaza a balekela kaya a ya enhoveni.

“Ndzi ta va kombeta hinkwavo leswaku a ndzi rincece,” a vulavula a ri yexe.

U khandziyile nsinya wo leha.



Vatswari va lavile enhoveni va kondza va kuma Khataza.

Va n'wi komberile leswaku a chika kambe a nga pfumelanga.



Va boti wa yena va ringetile ku n'wi mbuwetela.
Va vitana, "Khathaza, chika u ta ti vavisa."

Un'wana wa vona u yimbelerile risimu leri a ri
rhandza ngopfu, van'wana va hlavelela.



Ku hlundzuka ka Khathaza ku sungula ku antswa.

Ku yingisela risimu swi endlile leswaku a mbilu yiwa.


A sungula ku yimbelela.

Kambe a nga se eneteka ku chikela ehansi.



Munghana wa yena Sihle u tile a ta n'wi khorwisa leswaku a chika.

“Khathaza, chika, chika. A ndzi lavi ku lahlekeriwa hi wena,” ku huwelela Sihle.



Sihle u yimile a nga heli mbilu. Khathaza u hetelele a chika ensinyeni. A vukarha Sihle.

“Munghana, hikokwalaho ka yini u baleka u ya khandziya murhi?” ku vutisa Sihle.



A ndzi nga titwi kahle hikuva un'wana na un'wana u ni teka tanihi rincece.

"A ndzi lava ku va komba leswaku ndzi nga endla hinkwaswo leswi va boti va swi endlaka," a ngetelela.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: N'wana wa Ndzem'wa

Author/s: M.A. Vukeya

Illustrator/s: Brian Wambi


Assurer/s: N.A. Mashele, Hlongwani Hlongwani

Language: Xitsonga



© Zenex Foundation - Saide 2023

CC BY includes the following elements:

BY  - Credit must be given to the creator

